

Mooi Geschichten giff dat ok

Geern reeg ik mi ja över Saken up, de neet good lopen. Lesd Maal hebb ik hier över de Bahn schreven. Bi dat Bahnfahren kann een ja alltied wat beleven! Man nu hebb ik maal wat Moois beleevt. Daar much ik jo gern van vertellen.

Good en Maant is dat her, dat dat in en Bladdje in dat Ammerland en Artikel över twee Fraulüü gaff, de nu al hunnert Jahr old sünd. De beid Hunnertjahrigen ut Apen sünd Fründinnen un hebben sük alltied vööl to vertellen. De beid Hunnertjahrigen sünd acht Jahr mitnanner na de School hengahn.

Een van de beiden wohnde domaals heel dicht bi de School, de anner muss elke Dag mehr as dree Kilometer na de School henlopen. Bi les un Snee denn in holten Klumpen. Se hebben beid 1946 heiraadt.

En Bild van de Fraulüü was ok to sehn. Wo se mit hör hunnert Jahr an en Tafel sitten, laggen, Spaaß hebben un sük wat to vertellen hebben. Ok dat Kunfirmationsbild van de beiden ut dat Jahr 1936 was daar ofdruckt. Un weten ji, well daar ok up dat Kunfir-



Antje Lübben

KOLUMNE

Moin, Moin
Schrievers **Spraak** mōje
allerbest **hoop**
Pläseer **Vertellsel**
Smüstern

Platt maakt

mationsbild to sehn is? Mien Oma! Mien Oma van 't Ammerland. Se steiht daar ok mit up. Heel groot un mit twee fluchten Zoppen.

Wat en Tofall, dat mien Tant dat Bild in 't Bladdje sehn hett un daar futt mien Oma up kennt hett. Mien Oma is neet old worden – so hett dat Bild en besünner Weert för uns Familie. Wi hebben dat Kunfirmationsbild nooit hatt. Nu, 85 Jahr later, nu hebben wi 't!

Un dat kwamm so: De Schrieverske van de Artikel was heel licht in dat Internet to finnen. Bi een van de grote Nettwerken. Ik hebb hör anschreven un hör seggt, dat up dat Kunfirmationsbild ok mien Oma to sehn is un wi dat Bild so gern harren. Dat hett se denn ok futt avends an uns rutstüürt. Wi hebben uns en paar schreven Böskuppen stüürt. Ok stelde sük rut, dat se en Fründin van een van mien Kusinen in 't Ammerland is. De Welt is en Döörp. Ik bün so bried, dat wi dat Bild nu in uns Familie hebben.